

Friûl di Jevât

PAR CURE DA LA SOCIETÂT FILOLOGJICHE FURLANE

Vie Ascoli, 1, Guriza - tel./fax 0481533849 - gorizia@filologicafriulana.it - www.filologicafriulana.it

Il portâl al permet di jentrâ in maniere une vore facile tai catalics in linie da la Societât

Al è stât presentât ai 15 di Fevrâr, inte suaze di une cunvigne che si è davuelte inte Sale Ajace a Udin, il gnûf sît techefriulane.it, promovût da la Societât Filologjiche Furlane par valorizâ in maniere coordenade e accesibil al public il patrimoni culturâl dal storic sodalizi. Il portâl, di gnove concezion, al permet di jentrâ in maniere une vore facile - da la direzion www.techefriulane.it - tai catalics in linie da la Societât: al è dividût in cuatri sezions, ven a stâi fonts fotografics, materiâi multimedîi, librerie digjitâl e manifestescj. Ogni sezion si dividit in sotsezions che a cjapin dentri fonts specifics e colezions par temis. Cussì, par esempli, inte sezion dai fonts fotografics si pues consultâ il fonts Ugo Pellis, che al cjape dentri lis 7.156 fotografiis fatis tra il 1924 e il 1943 inte suaze da lis ativitâts di ricercje dal ALI (Atlant Lenghistic Talian), il fonts Pellis Flumisel, cun passe cent imagjins di caratar familiar e dai prins agns di vite da la Filologjiche, il fonts da lis cartulinis, cun passe 1.600 cartulinis dai prins dal Nûfcent e, ancjemò dongje, il fonts dal capitani Oreste Bugni, cun passe 300 fotografiis da la prime vuere mondiâl sul front gurizan. Ancje la sezion dai materiâi multimedîi e je impuartante e siore di contignûts: lis 86 registrazions audio da lis "Predicjns dal muini" di pre Bepo Marchet, il video "Furlanie", realizât pal

teche
friulane

fondi fotografici | multimedia | biblioteca digitale | manifesti | riviste friulane | OPAC biblioteca | contatti



e che si adate a ducj i supuarts (computer, tablet, smartphone), la novitât plui interessant pai utents dal web e je la pussibilitât di fâ ricercjis su ducj i catalics o dome su une part: par esempli, se intal cjamp de ricercje in home page si inseris il non di un país, a vegnin fûr ducj i libris, i articui, lis fotografiis e cartulinis, i materiâi video e audio che a rivuardin propit chel país. Come che al è stât ricuardât inte cunvigne, il progjet di chestis "vetrinis furlanis" al partîs di lontan e al met adun intun sôl catalic in linie dut il lavôr di valorizazion digjitâl che la Filologjiche e à puartât indevant tai agns e che nol rivuarde dome il so patrimoni ma al è viert a istituzions culturâis dal teritori e a ents locâi, cussì che al puedi diventâ no dome un catalic di contignûts culturâi ma soledut un imprest di valorizazion dal Friûl, ancje a fin turistic. Il portâl al è in cressite continue e za tai prossims mès a vignaran cjamâts materiâi gnûfs (imagjins, tescj digitalizâts e contignûts multimedîi). Il sît techefriulane.it al è stât realizât in grazie da la colaborazion tra aziendis e professioniscj furlans, coordinâts da la bibliotecarie de Filologjiche Katia Bertoni, e cu la poie de Regjon Autonome Friûl Vignesie Julie e de Fondazion Friuli. In curt il progjet e il sît, cu lis sôs funzions, a saran presentâts ancje tal Gurizan.

Vetrinis furlanis par cognossi il patrimoni culturâl

Presentât il gnûf sît techefriulane.it
promovût da la Filologjiche Furlane

centenari di fondazion da la Filologjiche, i 15 documentaris "Trê minûts di Friûl" e lis 15 tradizions populârs dai 8 documentaris da lis ricercjis etnografichis fatis tai agns Setante di Andreina Ciceri e Olivia Pellis. Cun di plui, la sezion da la biblioteche digjitâl e met adun voris da la Filologjiche e di altris istitûts culturâi furlans che a rivuardin aspîts diferents da la culture furlane, digjitalizadis e catalogadis par intîr: la librerie digjitâl,

cun cuasi 200 volums, la colezion dai "numars unics" da la Societât e, ancjemò dongje, la colezion da lis contis populârs furlanis e dal "Strolc furlan". Par finî e je la sezion dai manifestescj, che e cjape dentri 352 stampis che a son une testimoniance straordenarie no dome da la vite e da la ativitât de Societât in passe cent agns di storie (manifestazions, spetaai di teatri, congress, cors) ma ancje dai events storic e culturâi di dut il Friûl. In plui da la grafiche, une vore moderne

mont da la scuele furlane cu lis ativitâts dal Centri Docuscuole, che al inmanee cors di formazion pai docents, publicazions pe didatiche, moments di informazion e la fundamentâl ativitât di documentazion e assistence pe scuele. In assemblee si presentaran ancje i apontaments pal 2024: tra chescj, la edizion numar 11 da la "Setemane de Culture Furlane", che chest an si davuelzarà dai 9 ai 19 di Mai e si sierarà cu la tradizional "Fraie de Vierte" che e sarà a Fors Davôtri, e il Congrès sociâl, che si lu farà in Venit, a Concuardie, in Otubar. Ancje chest an la assemblee e sarà la ocasion par presentâ il bilanç sociâl da la Filologjiche, un imprest fundamentâl pe "rendicontazion" no dome economiche e finanziarie da lis ativitâts, ma ancje par podê fâ una valutazion dal "impat sociâl" dal sodalizi pe comunitât e pal teritori furlan.

Domenie ai 3 di Març i socis si dan dongje in assemblee intal salon d'onôr di Palaç Mantica a Udin

Filologjiche simpri plui a pro dal Friûl e dai Furlans



(FOTO RENATA VIOLA)

"Fraie de Vierte" a Prepot, e il Congrès sociâl a Montreâl in Otubar), i cors praticis di lenghe e culture furlane in dut il Friûl, sedi in presincedi in

Une Societât simpri plui a pro dal Friûl e dai Furlans: al è chest, in struc, il messaç fundamentâl da la assemblee de Societât Filologjiche Furlane che si farà domenie ai 3 di Març a lis 10.30 a matine in Palaç Mantica, sede di Udin in vie Manin 18. Chest al è un moment impuartant par fâ un bilanç, no dome economic, da la ativitât dal sodalizi ma al è ancje une ocasion par mostrâ ai socis, e plui in gjenerâl a la comunitât furlane, lis iniziative che la Filologjiche e à puartât indevant tal 2023 e chês in program pal 2024. Tra lis ativitâts realizadis tal cors dal 2023, o ricuardin lis tantis manifestazions (la "Setemane de culture furlane" in Mai, cu la

linie, il completament dal progjet da la Biblioteche digjitâl furlane e l'inviament dal sît da lis Vetrinis furlanis (viôt l'articul parsore), la publicazion e la mostre sul artist Carlo da Carona e sui scultôrs lombarts dal Rinassiment in Friûl e, ancjemò dongje, la animazion dal fumet "Ti conti il Vaiont", realizât tai 60 agns dal plui grant disastri ambientâl dal Nûfcent par prudelâ la memorie tes generazions plui zovinis. O ricuardin ancje in particolâr il progjet european "Primis Plus" par promovi il Friûl, dal pont di viste turistic, a traviers da la lenghe, da la culture e da la identitât furlane. Cun di plui, tal 2023 la Societât Filologjiche e à aderit al FUEN, la Federazion unitarie da lis minorancis europeanis e e je stade ricognossude da la Regjon tant che Centri di divulgazion da la culture umanistiche: doi ricognossiments une vore impuartants. La Filologjiche e je ancje impegnade pal

mont da la scuele furlane cu lis ativitâts dal Centri Docuscuole, che al inmanee cors di formazion pai docents, publicazions pe didatiche, moments di informazion e la fundamentâl ativitât di documentazion e assistence pe scuele. In assemblee si presentaran ancje i apontaments pal 2024: tra chescj, la edizion numar 11 da la "Setemane de Culture Furlane", che chest an si davuelzarà dai 9 ai 19 di Mai e si sierarà cu la tradizional "Fraie de Vierte" che e sarà a Fors Davôtri, e il Congrès sociâl, che si lu farà in Venit, a Concuardie, in Otubar. Ancje chest an la assemblee e sarà la ocasion par presentâ il bilanç sociâl da la Filologjiche, un imprest fundamentâl pe "rendicontazion" no dome economiche e finanziarie da lis ativitâts, ma ancje par podê fâ una valutazion dal "impat sociâl" dal sodalizi pe comunitât e pal teritori furlan.